



10 ოქტომბერი, 2025 წ.

ბრძანება N 01-02/187

2025-2026 სასწავლო წლის შემოდგომის სემესტრისათვის
შოთა რუსთაველის და ტბელ აზუსერიძის სახელობის ბსუ-ს სტიპენდიების
მოსაპოვებლად კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს სტიპენდიების დანიშვნისა და გაცემის წესის დამტკიცების შესახებ“ ბსუ-ს წარმომადგენლობითი საბჭოს 2023 წლის 17 ნოემბრის №07-01/58 გადაწყვეტილების საფუძველზე

ვ ბ რ ძ ა ნ ე ბ:

- გამოცხადდეს კონკურსი 2025-2026 სასწავლო წლის შემოდგომის სემესტრში (5 თვე) სტუდენტების მიერ ბსუ-ს სტიპენდიების მოსაპოვებლად (თითოეული სახის სტიპენდია დაენიშნება ბსუ-ს ფაკულტეტიდან 1 სტუდენტს):
 - შოთა რუსთაველის სტიპენდია (თვეში 500 ლარი) - ბსუ-ს საბაკალავრო, „მედიცინის“/„სტომატოლოგიის“ ერთსაფეხურიანი, დაწყებითი განათლების მასწავლებლის მომზადების ინტეგრირებული საბაკალავრო - სამაგისტრო საგანმანათლებლო პროგრამების სტუდენტებისათვის;
 - ტბელ აზუსერიძის სახელობის სტიპენდიის (თვეში 500 ლარი) - ბსუ-ს სამაგისტრო საგანმანათლებლო პროგრამების სტუდენტებისათვის.
- შოთა რუსთაველის სტიპენდია და ტბელ აზუსერიძის სახელობის სტიპენდია შეიძლება დაენიშნოს ბსუ-ს სტუდენტს, რომელიც აკმაყოფილებს შემდეგ პირობებს:
 - არის აქტიური სტატუსის მქონე სტუდენტი (გარდა პირველი სემესტრის და დამატებითი სასწავლო სემესტრის (ვადაგაგრძელებულ) სტუდენტისა);
 - სტუდენტის სასწავლო ბარათის მიხედვით საგანმანათლებლო პროგრამით გათვალისწინებულ სასწავლო კურსებში (როგორც ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში), მიღებული ქულები, „საშუალო შეწონილი“ ფორმულით აქვს 91 ან მეტი;
 - გამოირჩევა სამეცნიერო აქტივობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები).
- კონკურსში მონაწილეობის მიზნით კონკურსანტებმა 2025 წლის 15 ოქტომბრიდან 21 ოქტომბრის 17:00 საათის ჩათვლით, ბსუ-ს სტუდენტური პორტალის საშუალებით („წერილი კანცელარიას“, რექტორის სახელზე) უნდა წარმოადგინონ:
 - სტუდენტის განცხადება კონკურსში მონაწილეობის შესახებ (შედგენილი წინამდებარე ბრძანების N1 დანართის შესაბამისად);
 - პირადობის მოწმობის ასლი;
 - ცნობა სტუდენტის სტატუსისა და აკადემიური მოსწრების შესახებ (სასწავლო ბარათის დამოწმებული ასლი);
 - არანაკლებ ერთი რეკომენდაცია ბსუ-ს აკადემიური თანამდებობის პირისაგან (რომელიც კარგად იცნობს სტუდენტის აკადემიურ აქტივობას);

- ე) სტუდენტის მიერ გამოქვეყნებული ნაშრომის/პუბლიკაციის დედანი ან დამოწმებული ასლი (ასეთის არსებობის შემთხვევაში);
- ვ) სამეცნიერო ღონისძიებაში (კონფერენცია, სემინარი, სიმპოზიუმი და სხვ.) მონაწილეობის დამადასტურებელი დიპლომის, სიგელის, სერტიფიკატის და სხვ. ნოტარიულად დამოწმებული ასლი (ასეთის არსებობის შემთხვევაში, დოკუმენტის დედანი მოთხოვნისთავე უნდა წარედგინოს საკონკურსო კომისიას).
4. საკონკურსო კომისიის მიერ საკონკურსო დოკუმენტაცია არ განიხილება (კონკურსანტი არ შეფასდება და მოიხსება კონკურსიდან) შემდეგ შემთხვევებში:
- ა) თუკი კონკურსანტის მიერ წარმოდგენილი დოკუმენტაცია არასრულყოფილია ან წარმოდგენილია ვადის დარღვევით;
 - ბ) თუკი კონკურსანტის წარმოდგენილი დოკუმენტი არ არის შესაბამისი ფორმის დაცვით შედგენილი (ხელმოწერა, ბეჭედი, ნოტარიული დამოწმება და ა.შ.) ან არ შეესაბამება სინამდვილეს, რაც დასტურდება ბსუ-ში არსებული შესაბამისი მტკიცებულებებით;
 - გ) კონკურსანტს შეჩერებული/შეწყვეტილი აქვს ბსუ-ს სტუდენტის სტატუსი;
 - დ) კონკურსანტი აკადემიური დავალიანების მქონე სტუდენტია (გარდა იმ სტუდენტისა, რომელსაც ბსუ-ს გაცვლითი პროგრამაში მონაწილეობის გამო, დადგენილ ვადაში ასათვისებელი აქვს ბსუ-ს საგანმანათლებლო პროგრამით გათვალისწინებული კრედიტები) ან შესრულებული აქვს შესაბამისი საგანმანათლებლო პროგრამების მოთხოვნები (მიენიჭა შესაბამისი აკადემიური ხარისხი).
 - ე) დამატებითი სასწავლო სემესტრის (ვადაგაგრძელებულ) სტუდენტს;
 - ვ) თუკი შესაბამისი პერიოდისათვის უკვე დანიშნული აქვს ბსუ-ს სამართლებრივი აქტით რომელიმე სახის სტიპენდია.
5. სტიპენდიანტების შესარჩევი კონკურსი ჩატარდეს (გამარჯვებული გამოვლინდეს) 2025 წლის 22 ოქტომბრიდან 24 ოქტომბრის ჩათვლით.
6. სტიპენდიების დანიშვნისა და გაცემის შესახებ ბსუ-ს რექტორის ბრძანება გამოიცეს არაუგვიანეს 2025 წლის 27 ოქტომბრისა.
7. წინამდებარე ბრძანების შესახებ ბსუ-ს სტუდენტების ინფორმირება განხორციელდეს ბსუ-ს სტუდენტური პორტალის მეშვეობით.
8. ბრძანება განთავსდეს ბსუ-ს ფაკულტეტების საინფორმაციო დაფებსა და ვებგვერდზე (ვებში „კონკურსები“, „ფაკულტეტის სიახლეები“).
9. ბრძანება დაეგზავნოს ბსუ-ს რექტორის მოადგილეებს, ადმინისტრაციის ხელმძღვანელს, ხარისხის უზრუნველყოფის სამსახურს, ფაკულტეტებს, რექტორის აპარატს, სასწავლო პროცესის დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს და საქმისწარმოების სამსახურს (კანცელარია).
10. ბრძანება ამოქმედდეს ხელმოწერისთანავე.
11. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მის: ქ. ბათუმი, ს. ზუბალაშვილის ქ№30).

ბსუ-ს რექტორი



ტიტე აროშიძე

„2025-2026 სასწავლო წლის შემოდგომის სემესტრისათვის ბსუ-ს შოთა რუსთაველის და ტბელ აბუსერიძის სახელობის სტიპენდიების მოსაპოვებლად კონკურსის გამოცხადების შესახებ“
 ბსუ-ს რექტორის 2025 წლის 10 ოქტომბრის N 01-02/187 ბრძანების
 დანართი N1

ბსუ-ს სტუდენტის საკონკურსო განაცხადი

(_____ სახელობის სტიპენდიის მოსაპოვებელ
 კონკურსში მონაწილეობის შესახებ)

1.	ბსუ-ს სტუდენტის სახელი, გვარი, პირადი ნომერი	
2.	დაბადების თარიღი (რიცხვი, თვე, წელი)	
3.	ფაკულტეტი	
4.	სწავლების საფეხური	
5.	საგანმანათლებლო პროგრამა	
6.	მიმდინარე სასწავლო წელი (კურსი)	
7.	რეგისტრაციის მისამართი	
8.	ფაქტობრივი საცხოვრებელი ადგილი (მისამართი)	
9.	საკონტაქტო ტელეფონი	
10.	საკონტაქტო ელექტრონული ფოსტა	
11.	სხვა ინფორმაცია კონკურსანტის შეხედულებით	

სამეცნიერო ღონისძიებებში მონაწილეობა:

№	წელი	ღონისძიების დასახელება	ღონისძიებაზე კონკურსანტის აქტიუობა (მოხსენების სათაური და სხვა)	ღონისძიების ჩატარების ადგილი
1				
2				

პუბლიკაციების რაოდენობა: _____, მათ შორის საერთაშორისო
სამეცნიერო ჟურნალში _____, _____ (ასეთი
ინფორმაციის არსებობის შემთხვევაში).

პუბლიკაციების ჩამონათვალი:

№	პუბლიკაციის დასახელება	გამომცემლობა და გამოცემის წელი	პუბლიკაციის სახე (სტატია და სხვა)	თანავტორი/ხელმძღვანელი (ასეთის არსებობის შემთხვევაში)
1				
2				

დამატებითი ინფორმაცია (კონკურსანტის შეხედულებით): _____

ვადასტურებ, რომ ჩემ მიერ მოწოდებული ინფორმაცია/დოკუმენტაცია
ნამდვილია და პასუხისმგებელი ვარ მათ სისწორეზე, ამასთანავე თანხმობას
ვაცხადებ:

1. ბსუ-მ დაამუშაოს ჩემი პერსონალური მონაცემები (განიხილოს,
განთავსდეს/გასაჯაროვდეს ინფორმაცია ბსუ-ს ვებგვერდზე/სოციალურ
ქსელში ან/და სხვა საინფორმაციო რესურსებზე, კონკურსის შედეგად
გამოვლენილი სტიპენდიანტების თაობაზე); გადაამოწმოს ჩემ მიერ
მოწოდებული ინფორმაციის სიზუსტე/ნამდვილობა;
2. შევასრულო სტიპენდიის დანიშვნისა და მიღების წესის მოთხოვნები.

გთხოვთ, განიხილოთ ჩემი საკონკურსო განცხადი და დოკუმენტაცია
_____ სახელობის სტიპენდიის მოსაპოვებელ
კონკურსში მონაწილეობის შესახებ.

(განმცხადებლის ხელმოწერა)

განცხადების შევსების
და წარდგენის თარიღი: